

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa policijski komesar, Generalni inspektor policije Nusret Selimović, (u daljem tekstu Ugovorni organ)

i

DERATIZER d.o.o. Sarajevo, Ćemaluša 6, Sarajevo, ID broj: 420014900006, koga zastupa direktor Hasan Tunović (u daljem tekstu: Izvršilac)

zaključili su:

UGOVOR O NABAVCI USLUGA DEZINFEKCIJE MOTORNIH VOZILA

Član 1.

Predmet ovog ugovora je nabavka usluga dezinfekcije motornih vozila, za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem direktnog sporazuma, na osnovu Odluke broj 02-11-4-4407/20 od 30.10.2020. godine.

Ponuda Izvršilac broj: 446 /20 od 06.11.2020. godine je sastavni dio ovog ugovora.

Član 2.

Usluge iz člana 1. ovog ugovora će se izvršavati prema narudžbama Ugovornog organa, u zavisnosti od potreba Uprave policije u iznosu do 1.500,00 (hiljadupetstotina i 00/100) KM bez PDV-a.

Izvršilac se obavezuje da se cijene iz Ponude neće mijenjati do isteka ovog ugovora i da će pod istim uslovima u periodu trajanja ovog ugovora pružati usluge dezinfekcije motornih vozila za potrebe Uprave policije Ministarstva unutrašnjih poslova Kantona Sarajevo.

Član 3.

Izvršilac se obavezuje da će usluge iz člana 1. ovog ugovora izvršavati u istom danu po zaprimljenom pozivu Ugovornog organa, na adresi Ugovornog organa.

Usluge dezinfekcije motornih vozila će se vršiti po pozivu u vremenskom periodu od 08.00 sati – 16.00 sati. U slučaju vanrednih i hitnih intervencija Izvršilac se obavezuje da će usluge dezinfekcije motornih vozila vršiti i u vremenskom periodu od 16.00 sati – 00.00 sati.

Član 4.

Plaćanje se vrši u roku od 30 (trideset) dana od dana izvršenja usluge i dostavljanja pojedinačne fakture, na tekući račun Izvršioca

Član 5.

Izvršilac se obavezuje da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ je dužan dostaviti pismeno obavještenje o svakom propustu Izvršioca.

Ugovorni organ će utvrditi razuman rok za ispravku propusta Izvršioca u smislu izvršene usluge.

Član 6.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 7.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.


U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

Član 8.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 9.

Ugovor stupa na snagu danom potpisivanja ovlaštenih predstavnika ugovornih strana i traje do realizacije ugovorene vrijednosti, a najdalje do 31.12.2020. godine.

IZVRŠILAC
DERATIZER d.o.o. Sarajevo

direktor Hasan Tunović

UGOVORNI ORGAN
MUP KANTONA SARAJEVO
UPRAVA POLICIJE

POLICIJSKI KOMESAR
Generalni inspektor policije
Nusret Selimović

Broj: 464/20
Datum: 24.11.2020.g.

Broj: 02-11-4-4407-2/20
Datum: 18.11.2020. godine